

روشتة الفرج والخروج من عام الحزن | #ليلة_إيمانية | د. حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اللهم لك الحمد كله ولكل الملك كله. وبعيدك الخير كله واليک يرجع الامر كله. لبيک يا ربنا وسعديک والخیر کل الخیر في يديک. والشر ليس اليک. اللهم صلي وسلم وзд وبارك على

الحبيب محمد - 00:00:00

وعلى ازواج امهات المؤمنين وعلى ذريته واليک حميد مجید. اما بعد اخوانی واحبابی في الله سامحونی ببداية والله انانا الخميس اللي فات كان عندي ظروف اضطرارية ما كنتش اقدر اجي ابدا ابدا يعني. آآ والنهاerde يعني المفروض كان هو معادنا مع بعض. عشان كده كلمت بشمهندس سعد وقلت له بص انا يعني ايه - 00:00:22

يعني انا عايزة اصالح الناس باي طريقة فكان المفروض النهاerde ان الفطار يبقى يعني ايه على قد العدد بجد بس انا صراحة يعني آآ يعني بيدو ان العدد كان اکتر من المتوقع. فسامحونا يا جماعة احنا مقصرين في حكم وربنا يوفقكم. وربنا يبارك في مستقبلکم. آآ انا فعلا والله مريض جدا. آآ بس انا جيت النهاerde - 00:00:42

يعني يعني رغم التعب الشديد اللي الواحد فيه اللهم لك الحمد يعني آآ يعني جيت النهاerde التزاما بالمعاد بتاعي آآ وقلت ممكن نتكلم في حاجة حتى لو يعني ايه آآ يعني لو تبقى حاجة خفيفة او نفتح قلوبنا بعض او اسمع منكم مشاكلکم او كده. آآ لأن صحيا مش قادر ان انا - 00:01:02

اه آآ يعني اتكلم معکم بقى في دورة سورة الحديد احنا حد منکم كان معی المرة اللي فاتت كان عنوانها ايه جدع صفات رجل المرحلة ايه الجمال ده! طب حد فاکر يا جماعة احنا يعني قلنا سورة الحديد بتتكلم عن ايه - 00:01:22

سورة الحديد يعني بتتكلم عن آآ رحلة الرجولة او يعني ازاى تبقى راجل! راجل في ايه! هو مين الراجل يا جماعة! الراجل في الدين راجل في ايه! اول حاجة الراجل في الدين راجل في اتصاله بالله. راجل في وجوده في بيئة الایمان. يعني انتم دلوقتی المسجد اللي انتم فيه ده اسمه ايه؟ ده بيئة ایمان. طب بصوا يا رجاله - 00:01:39

رجاله اقول لكم حاجة. بص انا تعban والدنيا زحمة، صح كده؟ لا لا لا لا انا والله انا في موضوع هو اللي شاغلني انا فعليا اليومين دول. فتعالوا باسم الله والصلوة والسلام على رسول الله. تعالوا نتكلم في الحاجة اللي انا الایات اللي انا - 00:01:59

حاليا عايش معايا اليومين دول خلاص لان هو يعني باقي حاجة بسيطة. آآ اللي انا يعني سبحان الله العظيم حاسس انا الفترة الجاية لحد نهاية رمضان انا شخصيا اعايز اركز في حياتي مع هزه الایات. هي آآ اول ایات نزلت - 00:02:14

اه يعني وده اشار اليه. يعني يعني المفسرين في التفاسير اول ایات نزلت بعد الاسراء والمعركة على طول. يعني النبي عليه الصلاة والسلام بعد فرض الصلاة في الاسراء والمعراج اول ما نزل اول ایات نزلت ايه؟ حد يقدر يقول لي - 00:02:33

اقم الصلاة لدلوک الشمس الى غسق الليل. وقرآن الفجر ان قرآن الفجر كان مشهودا. ومن الليل فتهجد به نافلة لك عسى ان يبعثك ربک مقاما محمودا. لحد اخر الایات يا جماعة الایة دي مقصورة فيها جدا اليومين دول. عارفين ليه؟ آآ النبي عليه الصلاة والسلام في عام الحزن عامل حزن - 00:02:50

ده يا جماعة ما كانش حاجة سهلة. يعني احنا دلوقتی اما حبينا نلتقي فيه مسجد فيه بيئة ایمان. التقينا فيه عام الحزن ده دار الارقم

ما عادش الصحابة عارفين يتقابلو في دار الأرض - 00:03:10

ما عادش عامل حزن ده عامل زي اللي بيحصل لاخواتنا في غزة دلوقتي كده. ده كان عام ابادة. يعني ده العام اللي حصلت فيه هجرة الحبشة الثانية. اللي هو صاحبي هجرة الحبشة الاولى كانت عشرة صحابة بس. عشرة راحوا ورجعوا. هجرة الحبشة الثانية ميت صحابي. انت عارف يعني ايه؟ يعني نص قوة - 00:03:20

الاسلام في الارض راحت ايه ؟ راحت الحبشة. نص قوة الاسلام في الارض. ولما المشركين بعثوا عمرو بن العاص عshan ماء النجاشي يسلم الصحابة كانت هي بعد الهجرة الثانية دي. كانت هي دي. يعني المشركين كانوا مصممين انهم يتبعوا المسلمين في اي مكان في - 00:03:40

عالم يعني دي كانت حرب ابادة حقيقة لدرجة ان المشركين راحوا المدينة المنورة راحوا لاحبار اليهود قالوا لهم احنا عندنا واحد يقول انهنبي نتعامل معه ازاي بقى ؟ قولوا لنا کلام تعجيزى قوله له. ودي كانت اول مرة اليهود ينزلوا في المعركة ضد الاسلام. اول مرة لما - 00:04:00

قلت لهم اسئلوه عن آآ اللي هو نزلت شوية قصة اصحاب الكهف. واسأله عن اللي هي نزلت شوية قصة ذو القرنيين واسأله عن الروح. فعامل الحزن ده يا جماعة ده العام اللي مات فيه السند اللي هو ابو طالب. ابو طالب ده كان سند النبي مش لانه شخص سند. لان ابو طالب كان كبير العيلة. كان كبيربني عبدالالمطلب - 00:04:20

فكان كل ما يحصل للنبي ازمة ابو طالب كان يجيئ قومه كلهم اللي هم العيلة كلها عارفين ولو لا رهطك لرجمناك للعرب كده عندهم الرهط. فابو طالب ده كان زعيم رهط اقوياء. فكان كل ما يحصل مشكلة يهدده النبي ابو طالب ايه؟ وهو كافر يدافع عن النبي - 00:04:40

عليه الصلاة والسلام زي شعب ابي طالب لما كان بينيم النبي عليه الصلاة والسلام في السرير بتاعه. ففجأة ابو طالب مات. مين بقى اللي مسک الرهط دول؟ ابو لهب بقى كبيربني عبدالالمطلب في الوقت ده بقى كبير العيلة هو ابو لهب. فانت متخيلىين! يعني بقى السند اتقلب عدو اصلا. بجانب - 00:05:00

عامل حزن ماتت الوزيرة يعني ايه الوزيرة يا جماعة؟ الوزير ده كلمة كبيرة اوبي. يعني آآ مش موجودة عندنا في الواقع. مش موجودة عندنا في الواقع بتاعنا في الواقع الدينى تقريبا خالص. الكلمة دي وزيفة مش موجودة اصلا. ليه مش موجودة؟ لان ممكن تلاقي الوزير ده - 00:05:19

مع الملوك لان اللي هيقرب من ملك هيبقى باشا. ده لو قرب من مالك يشتغل بس ينضف الارض بتاعة البلاط الملكي. عيب يا باشا فما بالك لو بقى وزير وزير من الوزرا اللي هو الجبل يعني ده بيبقى شخص ضهر وسند اللي صاحب الامر او صاحب المشروع يلاقي حد - 00:05:38

يلاقى حد يتكلم معه. يلاقي حد يقعدوا يوصلوا لخط سير مع بعض. بيبقى مشكلة اي حاكم. اي صاحب مشروع. اي صاحب رسالة اي رئيس مجلس ادارة شركة عالمية في القارات السبعة. بيبقى مشكلته اساسا خط السير فين؟ هو عايز ياخذ قرارات كتير. فالوزير - 00:05:58

هو الشخص اللي بيساعد صاحب المشروع او صاحب الامر ان هو يوصل معه لخط سير. ففجأة الوزيرة ماتت. والوزيرة دي مش اه يعني مش مات محمد بييجي ابراهيم. الموضوع الوزيرة دي كانت سيدة اعمال كبيرة جدا. كانت واحدة يعني صاحبة شركة تجارية عالمية - 00:06:18

كانت واحدة عقلية تجارية يعني زي الوقت كده مسلا واحدة امريكية فاتحة شركة في تلات قارات. فانت متخييل لما تقعده معه تخيل انت لو اتجوزت واحدة زي دي. متخييل او وانت او مسلا واحدة من اخواتنا اتجوزتي واحد آآ دماغه فعلا كبيرة السيدة خديجة فعلا دماغها كانت كبيرة جدا. فعلا كانت انسانة - 00:06:38

في الحياة كبير جدا. فالنبي عليه الصلاة والسلام كانت خديجة وزرته. كان بيقدر يصل معه القرارات في الدعوة. عشان كده يعني

قالوا ان اول حاجة النبي عملها بعد التكليف بالنبوة او التكليف بالرسالة عليه الصلاة والسلام انه استشار سهيل بن عاصي الدار.

استشار مين؟ خديجة. فاول عمل - 00:06:58

اقيم في الاسلام كان مشورة الوزيرة الاولى اللي هي السيدة خديجة. وبعد كده النبي والسيدة خديجة لما شاور السيدة خديجة بيدأ ايها؟ قالت له ابدأ بقى زور الناس هو وهي وصلوا ابدأ زوبة خط السير فين؟ البوصلة فين؟ انت عارفين انت مشكلتك ايه -

00:07:18

انت عارفين انت قاعدين كده انت ممكن نديها لك ان مشكلتك انك عايز فلوس تتجوز. مشكلتك انك انت عايز حد يساعدك في يا ابني انت انت اكبر مشكلة عندكم في سنكم ده البوصلة انك ما انتش عارف تعمل ايه - 00:07:34

يعني انت الوقت تعمل ايه ؟ هتروح تطلب علم ولا تأخذ شهادة كويست اوبي ، ولا تمن دراستك العليا في مجالك الدنيوي ولا تبدأ تفتح مشروع يا عم والشهادة دي حاجة تتجوز بها وخلاص - 00:07:48

ولا تروح آتا تأخذ دورات تنمية بشرية وتعديل سلوك وتبدأ تأسس في شخصيتك القيادية وتفكيرك في الحياة ولا تعمل ايه ولا تدور على عقد عمل برة ولا تاجر كندا واستراليا وتشوف شروط الهجرة تعمل ايه ؟ تروح فين؟ ازاي تعيش حياة حلوة؟ ازاي تعيش -

00:07:58

ازاي تعيش حياة لها القيمة؟ فالنبي عليه الصلاة والسلام اول عمل اقيم في الاسلام انه لقى وزير يتشاور معه الوزير ده وصل لهم الاثنين ايه؟ اعمل ايه؟ اخرج آزا زعق في الشارع. اقول للناس يا جماعة قولوا لا الله الا الله. اعمل ايه؟ آزا اروح لعم ابو لهب ابدأ معه. فواصل هو وسيدنا - 00:08:18

خديجة ان هو يزور ناس معينة كان منهم ابو بكر الصديق. تاجر الملابس والنبي عليه الصلاة والسلام كان تاجر ملابس قبل البعسة عليه الصلاة والسلام تاجر اللي هو انتيم النبي عليه الصلاة والسلام قبل البعسة ويذور فلان ويذور فلان ويكلم علي ابن ابي طالب ويكلم السيدة خديجة وهو لقى حد يتكلم - 00:08:38

معه اعمل ايه؟ ابدأ باليه؟ فكانت البداية الدعوة الفردية. فكانت البداية زيارات معينة لأشخاص معينة. والأشخاص دول ربنا بارك في هذا الامر لدرجة ان بدأ يبقى فيه عدد من المسلمين من اول يوم فكان العمل الثالث سهيل بن عاصي الدار استشار سهيل بن عاصي اللي هي الزيارات الفردية الدعوة الفردية ثم بنى - 00:08:58

اللي هي بيت الایمان. فتخيلوا ان فجأة الشخصية اللي انا كنت برفع بالليل تعجان. يعني انا الوقت مسلا انا انت قدمي الوقتي شباب زي الورد شباب زي الورد مالي المسجد والبنات زي الورد فوق يعني ربنا يبارك في مستقبلكم كمان فانا ممكن انا انا بعد الدرس ده انا عايز اتكلم مع حد الناس دي يا جماعة - 00:09:18

ازاي نساعدها انها تلقي نفسها؟ ازاي نساعدها؟ ونأخذ باليهها ان يبقى لها مستقبل وتبقي مجد للإسلام، وتبقي عز للإسلام. دايما اي صاحب رسالة او صاحب دعوة او صاحب مشروع بيبقى عايز حد يتكلم معه. فجأة اللي النبي كان بيtalk معه مات. فجأة الوزيرة دي ماتت. طب مين اللي مات - 00:09:38

كان ما فيش حد مكانها. ابو بكر الصديق نفسه في الوقت ده ما كانش ينفع يبقى مكان السيدة خديجة. يعني اصل الوزير ده حاجة آزا يعني حاجة مش من يوم وليلة كده - 00:09:58

تعال يا فلان خليف الوزير بتاعي اه ابو بكر يا جماعة النبي بذل معه تلات سنين من عمره. تلات سنين بعد موته خديجة عشان يأهل ابو بكر للوزارة عشان يحولوا من صحابي نسيط بطل منطلق في العبادة ومنطلق في الدعوة الى وزير. وزير دي يعني فهمك من عينيك - 00:10:08

وانا ببص لكم كده انا افهم من عينيك انت عايز ايه؟ انت تفهم من عيني انا عايز ايه؟ عشان كده ابو بكر في الهجرة بعد تلات سنين بقى من اللحظة دي ان بيكقول للنبي اذ يقول لصاحبه - 00:10:28

لا تحزن. يعني ايه لا تحزن؟ الكلمة دي عبرية يا جماعة كلمة يعني تدل على عبرية من ابو بكر الصديق. ده فاهم من غير ما النبي

يتكلم ايه اللي جوة النبي - 00:10:40

لان لو انا مكان سيدنا ابو بكر او اي حد منكم كان ما قالش للنبي ما تزعلش. كان قال للنبي ما تخافش. لأن الموقف موقف رعب. احنا فوقنا لو نزد احدهم تحت قدميه لرعانا. المنزد منزد رعب. فالمحفوظ ما تخافش. انما ابو بكر عارف ان النبي عليه الصلاة والسلام مش خايف ولا بيخاف. ولا النبي عليه الصلاة والسلام اهل الباطل - 00:10:50

اذا كان تلميذ من تلامذة النبي خالد ابن الوليد كان بيتقابل عليه كان يرى الروم كأنهم نملة. نملة احنا دلوقتي مشكلتنا ان احنا شايفين امريكا حاجة كبيرة اليهود حاجة كبيرة دي مشكلتنا. خالد ابن الوليد كان يرى الروم كأنهم نملة. عشان كده لما دخل في القادسية القادسية ديت حرب عالمية جباره. اليرومك - 00:11:10

اقصد حرب عالمية جباره. كان فيه امير من الجيوش الخمسة ضد اليرومك. كان امير الروس. وكان فيه امير للارمن. وكان فيه اثنين امراء للجيوش الاوروبية. وكان فيه امير للممالك النصرانية في شمال الجزيرة العربية. اللي هو جبل ابن الایهم امير الغساسنة. انت متخيلين يا جماعة - 00:11:30

اليرومك دي كانت حرب عالمية مروعة. مروعه وسيدنا خالد ابن الوليد دخل قدام العالم كله. المعركة دي غيرت تاريخ العالم وجغرافيته غيرت خريطة العالم كله اصلا. ده تلميذ من تلامذة النبي عليه الصلاة والسلام. ما اترعبيش اما لقى العالم كله تحالف عالمي جاي ضد الاسلام. ما اترعبيش ودخل وقاتل - 00:11:50

عليهم في ايام قليلة. فما بالكم النبي! النبي مش خايف! فعشان كده ابو بكر بيقول له لا تحزن! يعني ايه لا تحزن! ما تزعلش لانه عارف ان النبي مش خايف عليه الصلاة والسلام - 00:12:10

عارف النبي حزين. حزين على احوال الامة. حزين على ان جزء من المسلمين بيقطع في الحبشة. وجزء في اليمن مع ابو موسى الاشعري. وجزء في القبائل بتاعتهم ده في ده وسوداء. النبي عليه الصلاة والسلام حزين على احوال الصحابة. حزين على الصحابة اللي بيتعذبوا حزين - 00:12:20

على الوضع للاسلام فيه. فالوزير ده مش كلمة قليلة. الوزير ده بيبقى واحد ربنا بيبعنته لصاحب المشروع او صاحب الرسالة بيبقى فاهم من عينيه هو زعلان ولا مبسوط ولا عايز ايه؟ ولا مشكلته ايه؟ ولا رايح فين؟ فالنبي عليه الصلاة والسلام كان في اللحظة دي كان وقت صعب جدا. ربنا داوى جرح النبي - 00:12:39

في الاسراء والمعراج عشان يجبر خاطره. ولكن النبي عليه الصلاة والسلام راجع من الاسراء والمعراج عليه الصلاة والسلام. حبيب الله محمد عليه الصلاة والسلام راجع من الاسراء والمعراج لا تزال المشكلة موجودة. لا يزال ما فيش وزير - 00:12:59

لا يزال ما فيش سند ارضي دنيوي لا يزال العيلة بتاعة النبي بدل ما كانت معه بقت ضده. لا يزال مطلوب طرده من مكة ودخل في جوار المطعم ابن عدي لا يزال دار الارقم مقفلة. وما عدش فيه امكانية للمقابلة مع بعض بسهولة. هو والصحابة كل ليلة زي قبل كده - 00:13:14

لا يزال الوضع كارثي لا يزال الوضع صعب. فربنا نزل له الروشتة دي انا باحسها في في ايام الحزن اللي احنا فيها حزن على غزة الحزن على نفسنا احنا احنا في ازمة يا جماعة. يعني كلنا حاسين بده. اي انسان مننا عنده طموح للاسلام حاسس بالازمة. اي انسان - 00:13:37

مننا عايز يعمل حاجة للاسلام بجد حاسس بازمة. طب اعمل ايه؟ طب ابدأ منين؟ طب اتبني ازاي؟ طب اجيبي صحبة منين؟ طب خط السير ايه؟ طب اجمع بين الدين والدنيا ازاي - 00:13:57

فكانت الروشتة الاولى باسمي الآيات اللي نازلة دي روشتة الفرج. روشتة الخروج من عام الحزن. لأن ربنا كان متوقع بقى ان ربنا هينزل النبي اياتها عايز تخرج من عامل حزن خلاص بيقى توجيهات دعوية تربوية توجيهات في الحركة توجيهات في يعمل ايه مع مجاهد - 00:14:07

هنفاجي الوقتي ان التوجيهات كلها توجيهات في الاتزان الداخلي. توجيهات في بص لو انت صاحب هدف في الحياة لما كنا نركب

طياره فدايما فيه خمس دقايق رعب في الاول كده وانت راكب الطياره يقول لك لو الطياره جت تقع ولا حصل مشاكل تعمل ايه -

00:14:28

فمن التوجيهات اللي دايما يقولوها لك يقول لك لو الاكسجين قل في الكابينة بتاعة الطياره او عى تلبس الطفل اللي جنبك قناع الاكسجين قبل ما انت تلبسه الاول وبعد كده تنقز اللي حواليك ما تعملش شهم وانت واقع. فكان اول توجيه انت لو وقعت مشروعك كله وقع. دعوتك كلها وقعت - 00:14:48

فسوفوا ربنا بيقول للنبي ايه عليه الصلة والسلام. واحنا بقى اللي عايز مننا يتوازن نفسيا. واللي عايز مننا يقف على رجليه. واللي عايز مننا ينجح في حياته ما ابدا. لازم الروشتة دي تبقى نصب عينيه. دي روشتة الخروج من عام الحزن. دي روشتة الفرج. اول حاجة اقم الصلاة - 00:15:10

الشمس الى غسل الليل الفروض الخمسة دي مش لعبة. انت لو ما انتاش فاهم فلسفة الفروض الخمسة في حياتك. وتوزيعه الاوقات بتاعتتها حتى النواقل نفسها توزيعه اوقات النواقل. اللي في اللي على مدار اليوم انت لو مش فاهم قيمة الخمس مرات اللي انت بتقابل فيها ربنا. وتعيط - 00:15:30

فيهم بين ايدين ربنا وتسجد لربنا في الخمس فروض وتطلب من ربنا الخمس فروض دول انت من غيرهم ما تقدرش تعيش. يعني غالبا غالبا يعني في الجيل الجميل بتاعكم ده انت مش هتعدي تلاتين خمسة وتلاتين سنة من غير ما تأخذ ادوية نفسية من غير الفروض الخمسة. او من غير ما تنهار نفسيا الفروض - 00:15:52

في حياتك. او عى تفتكر ان فرض وبتأديبه. يا ابني دي وجبة روحية. بتديك توازن داخلي جبار. فربنا بيقول للنبي اول حاجة اقم الصلاة لدلك الشمس. يعني ايه دلوك الشمس يا جماعة - 00:16:12

ملوك الشمس اللي هو الضهر. يعني ايه دلوك الشمس الدلوء عارف التدليل؟ لما حد بيقى ايده مسلا فيها شد عضلي او كده فييجي حد يقعد يدلك آآ ايديه. فالدليل ده بالراحة مواد الالم - 00:16:28

المواد اللي عاملة الشد دي تبدأ تتسحب بالراحة. تلاقي نفسك بعدها ايه ده انا بقىت زي الفل. وايه اللي حصل؟ الدلوك ده هو الغروب التدريجي الشمس ان بالتدرج وبالرفق خالص تلاقي الموضوع تم - 00:16:47

فعشان كده لما نجيب مسلا شوية فول سوداني وانا عايز آآ او قمح عارف يقول لك آآ ذلك القمح في ايديه او ذلك الفول في ايديه انك تلاقي القشر بتاع القمح او القشر بتاع الفول جه لوحده. والمادة نفسها اللي هي القمحية او الفولية جات لوحدها. عشان كده في اللغة العربية يقول لك رجل ذلك - 00:17:03

اه او رجال ذلك يعني ايه ذلك؟ يعني يقول لك اه يعني ناس عندهم حرفة في الحياة. عقلا في الحياة واحد خبير يعرف يحل المشكلة من غير حرق اعصاب. معظم المشاكل اللي انت هترحقر اعصابك فيها. وتحرق بنزين نفسیتك فيها. هي مش عايزه حرق اعصاب اصلا - 00:17:23

ازاي تشوف اقوم الصلاة لدلك الشمس. فدلوك الشمس ده الغروب التدريجي للشمس. الشمس بتقعد تغرب في قد ايه؟ في ربع ساعة ولا في نص ساعة ولا في ساعة نص ساعة - 00:17:42

ربع ساعة. ايوة شف الرجال الزيكي ده هو. الشمس بتقعد تغرب من اول الضهر لحد المغرب يا جماعة. اه. الشمس بتقعد تغرب ست ساعات الشمس اول ما بتطلع اول ما بتطلع بتقوم ايه تفضل تطلع تطلع لحد ما تتعامد تبقى فوقك بالزبط. اول ما تبقى فوقك الوقت ده اسمه ايه؟ الزوال بقى هيبدأ - 00:17:58

زوال. الزوال يعني ايه؟ هتبدأ ترجع تاني تغيب. عارف انت عمرك انت دلوقتي لسه طالع معزكم يعني الا اللي هيموت وهو صغير. نسأل الله سبحانه وتعالى حسن الخاتمة انت عمرك ده عامل زي الجبل. انت قاعد تطلع من ناحية. قاعد تجري تجري تجري تجري. انت لسة في المرحلة بتاعة تطلع اللي فوق دي. معى؟ الا اللي هيافاجأ منكم بالموت - 00:18:19

ده بقى واحد ايه فجأة آآ ده اللي بيسمه الناس اتخطف. لان الناس مش متخيلا ان هو لسه طالع لقمة جبل حياته ده في حد بيموت

هنا تمام؟ يعني حاجة طبيعية - 00:18:39

فتفضل يا بشمهندس باسل الله يرحمه الله يغفر له ويرحمه. فتفضل تطلع تطلع لحد ما توصل لقمة جبل عمرك عند الأربعين كده.
بعد كده مين اللي راح مش هييجي تاني - 00:18:49

يعني خلاص انت نازل بقى فالازم تبدأ تفهم ايه انك انت مش هتعيش قد اللي انت عشتة قبل كده. خلاص انت نازل من الناحية
الثانية. دلوك فالشمس بتفضل تطلع لحد ما توصل - 00:19:02

كبد السماء خلاص تعمدت تبدأ تغرب من ده بقى وقت الظهر. دلوك الشمس اي فور بده الدلوك. الدلوك ده هو عملية الغروب اللي بتبدأ
من بعد الظهر لحد الایه؟ المغرب وده من اعجاز او ابداع ربنا في خلق الكون. ان ربنا ما خلقو نزام الاضاءة في الكون اون واف -
00:19:12

الشمس مش بتطلع فجأة ومش بتغيب فجأة ده الدنيا يا جماعة ماشيّة بنظام نزام الاضاءة في في الكرة الارضية نظام مزهل. اقم
الصلوة دلوك الشمس الى غزر ايه الغسق ده - 00:19:32

اول الليل حاجة اسمها الغروب. بعد الغروب بتدخل السما في مرحلة تانية اسمها الایه الشفق بعد الشفق بتدخل السما في مرحلة
اسمها الخسق اللي هو اختفاء الشفق اللي هي ضللت اسودت كلها. اخر الليل بقى بتدخل - 00:19:47

انما في مرحلة اسمها السحر. السحر ده انت عارف خيل اليه من سحرهم. انت تبص في السما مش عارف هي
نورت ولا لسه. فالسحر جاي من - 00:20:06

السحر دي اللي هو ايه؟ انك يتھيأ لك حاجات وهي مش حقيقة فيجي السحر بعد السحر الفجر. الفجر اللي هو انفجار النور في
الظلام. بعد الفجر ييجي حاجة اسمها الایه - 00:20:16

يا سيدي ييجي الغلس. اه الغلس ده له ايه؟ اللي هو الدنيا لسه السما لسه مضللة بس بدأ يبقى فيها ايه نور عشان كده يقول لك فلان
غلس فلان غلس ليه - 00:20:30

لان بعد الفجر دلوقتي الغلس ده آآ المفروض في اليوم الطبيعي يعني بتاع الناس زمان هو ده وقت بداية النشاط فالست بتعجن
وبتخبز وبتحضر الفطار الرجال بدأ يستعد عشان نازل عشان بيبدأ التجارة بتاعتته. البيت كله الدنيا مقلوبة ده وقت بداية نشاط اليوم.
ده وقت التجهيز لبداية النشاط. تخيل بقى - 00:20:43

الضيف بقى في الوقت ده. هو ده اللي بيسموه الایه؟ الغلس بقى اللي هو ايه؟ اللي هو انت انت جاي تنطلق الى الله
الوقتي وجاي تطلب علم فجأة بقى صاحبك بقى اللي ايه بتاع السهر و بتاع الحق و بتاع ايه جه افتكرك دلوقتي يا عم ما انا كنت
قادامك زمان ما كنتش بتعبرني. انت جاي تفتقربني اول ما حد - 00:21:03

في بنات تبقى جد. فالغلس يقول لك يا عم ما تغلش علي. يعني فيه اوقات ما تتقاهمش حياتي فيها. فييجي بعدها الغلس. اللي هو
الوقت اللي النبي عليه الصلاة والسلام كان بيصلی - 00:21:23

في الفجر معزم الایام. بعد الغرس بييجي وقت الایه؟ الاسفار. الاسفار السماء نورت بس لسه الشروق ما طلعش. بدأت بقى السماء
تبقى ايه؟ منورة. الوقت هو افضل وقت لصلاة الفجر - 00:21:33

ولكن طبعاً لان ما حدش هيصبر على هزا الامر يعني فايه زي بالزيط كده وقت العشا الافضل لما يعدي تلت الليل ولكن ما حدش
هيصبر على هزا فاحنا بنصلی بالغلس - 00:21:45

وكان معزم صلاة النبي صلى الله عليه وسلم في وقت الغرس وبعد كده الصلاة. انا عايز اوصلك لايه؟ عايز اوصلك يا جماعة ان السماء
جميلة اوبي ان مشاهد الكونية دي مهولة. وربنا كان ممكن يقول اقم الصلاة للظهر والعصر والمغرب والعشاء والفجر. خلاص. انما ربنا
يقول ربنا - 00:21:55

بيربط لك الفروض الخمسة بالشوادر الكونية بيقول لك على مدى الدلوك انت هتصلي تلات فروض. دلوك الشمس اللي هم الضهر
والعصر والمغرب اول الدلوك الایه؟ الضهر. واخر الدلوك اللي هو الغروب الایه؟ المغرب وما بينهم ايه؟ العصر - 00:22:13

اذيك يا عسل؟ وما بينهم وما بينهم العاصي انتم ذي العسل والله. وما بينهم العاصي عشان كده الاية دي من الاليات اللي بتؤكد ان ما ينفعش قرآن من غير سنة. يعني تخيل لو الاية ديت السنة ما شرحتهاش - 00:22:32

وما بيتنش بقى كلمة فيها آتفاصيلها ايه ؟ احنا كنا نعرف نصلي طب هاقول لك حاجة تانية ، حلوة جدا. مفسرين اتكلموا فيها حاجة غريبة جدا. اغرب تلات حاجات قرأتها للمفسرين في امهات التفاسير، في الاية دي يا - 00:22:51

مع اغرب تلات حاجات. الحاجة الاولانية اشارتهم ان دي اول ايات نزلت بعد الايه ؟ بعد نزول النبي للارض. يعني التقاطة غريبة جدا الملاحظة الثانية انهم لاحزوا ان اول فريضة النبي صلاها بعد فرض الفروض الخمسة كان ايه - 00:23:07

الضهر يعني النبي ما بدأش بالفجر يعني ربنا ما بدأش مع النبي بالفجر اول فريضة صليت في الفروض الخمسة لله. بعد الاسراء والمعركة صلاة ايه ؟ الضهر دي اول فريضة صليت في الاسلام - 00:23:27

الملاحزة الثالثة الغريبة جدا اللي التقاطوها ان النبي لما نزل كنا امته ؟ لما نزل من المراجع كنا امته ؟ كنا خلاص ليلا. كنا لسة بالليل. النبي عليه الصلاة والسلام اصلا مراجعا في عمر الدنيا ما خدش شيء. فالنبي اسرى به ورجع به ليلا ورجع تاني ليلا. يعني - 00:23:44

النبي كان موجود في الارض ولا أكان موجود. طب وربنا كلفه بالفروض الخمسة في السما ولا أ ؟ يبقى صلاة الفجر دي كانت صلاة ضمن الفروض الخمسة ولا أ ؟ ومع ذلك اتفق المفسرين النبي ما صلاش - 00:24:02

ان صلاة الفجر دي ما اتصلتش. ان اول فريضة صليت في الاسلام كانت صلاة الايه ؟ العلم حلو والقراءة حلوة والقراءة في امهات كتب التفسير سنة وبتلaci معلومات جميلة وقيمة يعني دايما اقول لاخواني في آآ يعني بيعملوا مقاطع في السوشيال ميديا اقول لهم يا جماعة ما تبقاش واحد عايز تعمل مقطع - 00:24:19

تروح تشووف اي درس حلو لداعية من الدعاة وتقوم جاي سامعه ومنقى لك كلمتين وطالع ايه المقطوع! يا ابني غوص في امهات الكتب. اقرا اتعب شوية يعني ربنا شوية اتملى شوية - 00:24:39

غوص في الكتب وافهم الكلام طيب قالوا ليه اول صلاة صليت صلاة الظهر؟ هو طبعا هنا الكلام اقم الصلاة لايه؟ دلوك الشمس اللي هو من اول الضهر فدي اول فريضة صلوها النبي حتى جابوا احاديس النبي عليه الصلاة والسلام لما نزل سيدنا جبريل يومين. اليوم الاول بعد الاسراء والمعراج على طول - 00:24:53

بيبو اول ميعاد للفروض الخمسة اليوم الثاني جبريل عمل معه ايه صلي معه نفس الفروض الخمسة بس في اخر معاد لوقت الفروض الخمسة. معي من الاحاديس العظيمة جبريل نزل له يومين. يوم صلي بالفروض - 00:25:13

خمسة في اول وقت لها وعلمه يعني جبريل بيعلم النبي عليه الصلاة والسلام الصلاة عشان كده قال لك هو ليه النبي ما صلاش الفجر في اليوم ده لأن كان جبريل لستة ما قالوش. فما فيش تكليف الا بعلم. فالنبي عليه الصلاة والسلام لم يكن يعلم صفة هزه الصلاة. فقال لك ان جبريل لستة لم يكن تنزل على النبي صلي الله عليه وسلم - 00:25:29

قال لك طب جبريل ما تنزلش ليه ؟ خلاص بقى دي ما كانش فيه تكليف في الفجر ده اصلا. قال لك لتكون اول صلاة يصلحها النبي في الاسلام ويصلحها الصحابة في الاسلام هي صلاة الظهر - 00:25:50

طب ليه بقى الله اراد ان اول صلاة تبقى صلاة الضهر ايه لأ سألت مين يا مولانا؟ هو كلام جميل بس ده لو لنا احنا. لو لنا احنا كلام طبعا جميل وواقعي. الصحابة كلهم اتجمعوا. انت لو اشتغلت في الدعوة هتبقي راجل رفيق وطيب مع الناس. عليه الصلاة والسلام. صلاة الضهر - 00:26:00

كلام صاحبك اللي هو الرفق ونقدر نتجمع بالسائل لأ دول رجاله يا مولانا دول مش زينا يعني انت بقى انت بص انت راجل دماغك انت لو اشتغلت في الدعوة هتبقي دماغك حلوة وهتططلع زتون كتير يعني. انت بيقول لك ايه لأن وقت الضهر ده وقت الطحنة بتاعة - 00:26:18

الدنيا فالله اراد. ان اول فريضة تبقى ايه؟ في وسط طحنة الدنيا.يلا عشان نوقف الدنيا ونتعلم نفرمل لما ربنا ينادينا. ماشي بس

قول عشان مش جاهيرية طب ايه يعني عشان مش جاهلية - 00:26:39

تبقى اسهل يعني بداية اسهل انت راجل برضو طيب وزوق والله. قل بداية انكسار الشمس ايه بقى ما يعني ارتباط بمشهد كوني! طب ما كل الصلوات الخمسة مرتبطة بمزاهر طبيعية - 00:26:56

ایوة قال لك ليه ربنا بدأها من يعني ليه ربنا ما قالش اقم الصلاة لقرآن الفجر ولدلوك الشمس غسق لي ليه بدأت الضهر الناس كلها موجودة ده عندنا احنا يا مولانا. رسول الصحابة خلفاء الله في الارض دول لو كان ربنا قال لهم البداية الساعة ثلاثة بالليل كانوا بدأوا ثلاثة بالليل - 00:27:09

قول الحر والصعب والدنيا والطحنة عشان تبقى مرحلة من اولها قل لا ده انا عمري ما قلتها ان ان نص السنن نص السنن الرواتب في الضهر لوحده. يعني السنن الرواتب اتناسن - 00:27:34

ست ركعات منهم مرتبطة بالاربع فرائض الثانيين. وست ركعات مع الضهر لوحده. اربعة قبل الضهر واثنين بعد الضهر. انما الاثنين بعد المغرب واثنين بعد العشاء واثنين قبل الفجر طب ليه نص السنن الرواتب في الضهر - 00:28:05

اشمعنى نص السنن وكمان بتسرج النار قبل الايه ؟ قبل الضهر. ده وقت تسجيل جهنم. الوقت اليومي لتسجيل جهنم. ليه ؟ لأن ده وقت انشغال هل الناس بالدنيا؟ بقت الماية بتاعتها حمم - 00:28:18

بقى العقارب بتاعتها عقارب جهنم بقت زنازينها زنازين جهنم. بعد كده كل يوم عشان جهنم ما تطفاش ربنا بيسجرها. يعني ايه؟ يعني بيتوطلع عليها عشان تفضل هتفضل مولعة. فالتزجير ده بيحصل قبل صلاة الضهر على طول. عشان كده المفروض اكتر وقت في اليوم - 00:28:32

كان تبقى فيه صلاة النافلة امتى قبل الضهر في حين ان ده وقت ايه منع صلاصل منع صلاة آآ تحريم على قول يعني يكررها على قول اه منع الصلاة. طب ليه اتمعن فيه الصلاة؟ لأنك هييجي يوم القيمة جهنم مش هتبقى بتايده؟ بتسرع - 00:28:51

وما فيش حاجة اسمها صلاة. ممنوع كلمة استغفر الله ممنوع اصلا فكأن بروفة ليوم القيمة ان الوقت ده ربنا مش منعك من الصلاة بالعكس ده وقت عبادة ده الرسول قال لو يعلم الناس ما في التهجير - 00:29:12

اه اه لاستبقواليه. يعني الناس لو تعرف سواب انك تروح قبل ادان الضهر بربع ساعة نص ساعة تعبد وتقرأ قرآن في المسجد كانت الناس تتنافس سبب السوق وتسبيب الاستباق على الدنيا وتجري على المسجد. فالوقت ده وقت عبادة بس مش وقت صلاة. ليه؟ عشان والله اعلم عشان ربنا - 00:29:25

انك انت تفتكر يوم القيمة هييجي وقت هتبقى جهنم بتسرع ومش وقت تصلي. ما ينفعش تصلي. فعشان كده الزهر ده بيبقى ايه؟ انت عارف شوق المؤمن الصلاة بقى اكتر سنن رواتب في اليوم وهو نفسه اربع ركعات. بس برضو المفسرين ما قالوش كده - 00:29:45

الانوسي قال آآ دي اجتهادات يا جماعة ليست اكسر من اجتهادات يعني ممكن تبقى ايه هي دي اجتهادات عند المفسرين اللي بيحبو تعليل الاشياء انما هي حكم هو حكم خلاص هي كده. اول صلاة صلت الضهر وجبريل ما نزل للنبي الفجر ونزل للنبي آآ عند الضهر وخلاص هي مشت كده - 00:30:02

واحد بالك معى؟ قال لك عشان اسم صلاة الظهر من الظهور ومن الانتصار. فكأن اول صلاة صلاتها النبي كان دهب يحمل بشرى من الله سبحانه وتعالى بالايه ؟ بالظهور والانتصار. عشان كده لما بييجي واحد يقول لي انا حلمت ان انا باصلي العصر امسك ايدي على قلبي - 00:30:21

العصا مش دايما مش دايما كل صلاة كل واحد يعني الرؤى دي تأويلاها اما واحد بييجي يقول لي حلمت اني بصلني الضهر اقول الله اكبر بص فيه حاجة ده ده ربنا - 00:30:40

في زهور في حاجة او في آآ انتصار وفرج في حاجة. فاسماء الصلوات ساعات بتبقى ايه آآ يعني يعني طبعا هو تأويل الرؤى مش

ييمشي بالمنزد البسيط ده ولكن يعني ده ايه حاجة كده من من زاوية من مئات الزوايا في تأويل اللفظ اللي بييجي في الرؤى. فالنبي عليه الصلاة والسلام - 00:30:52

فربنا قال له اقم الصلاة لدولك الشمس اللي هي الضهر العصر المغرب الى غاسق الليل غسق الليل اللي هو لما تسود خالص. لما الشفق يغيب اللي هو ايه؟ اللي هي اللحظة اللي احنا فيها دي اللي هي صلاة ايه؟ العشاء - 00:31:12

وقرآن الفجر اللي هو صلاة ايه؟ الفجر يبقى الخمس فروض يبقى نلآخر هنا في الاية ديت طبعا الاية دي مليانة ملاحزات عزيمة وقيمة وقوية. ولكن نلاحظ هنا اهم حاجة ان اول دواء في روشة الفضل - 00:31:26

وروشة الخروج من عام الحزن. وروشة بعد من الحزن. اوراد الفرائض الخمسة. اوعوا تفرطوا فيهم يا جماعة. اواعي تفتكر ان الفروض الخمسة فقط سواب. ده دي سبب لازانك النفسي في الحياة - 00:31:41

ده دي مواعيدك مع الله سبحانه وتعالى. ده دي الاوقات اللي انت سجود الفرائض ده سجود الفرائض ده يا جماعة حياة. اواعي سجود الفرائض انت مش نازل تقول سبحان ربى الاعلى سبحان ربى - 00:31:56

وتقوم. ده ده اكتر وقت للدعاء مع الله. ده ده ورد الدعاء الاساسي اهم وقت للدعاء في اليوم كله هو سجود الفرائض الخمسة. ادعوا ربنا كتير. ما تباقاش حياتك مليانة مشاكل. نفسی نفسی اتجوز. طب ما بتدعیش - 00:32:06

ما هو ما ينفعش ما ينفعش ليه؟ ما كل اللي حواليا مش متجوزين انا بيقى ما ينفعش اتجوز بالتأكيد الجواز ده. مين اللي قال الكلام ده ما يمكن يا عم ربنا آآ يعني يديك سيناريو تاني لحياتك - 00:32:22

مين قال لك كام؟ ما تفكرب برء الصندوق شوية ما تفكرب برء الدايرة اللي غيرك بيفكر فيها شوية ما تخليك كده آآ ما تخليك نموذج جديد ونموذج مختلف. وانسان راجل دين ودنيا - 00:32:36

سم برضو ما ينفعش ما ينفعش ليه؟ ما هو اصل انا بذاكر. انا بدرس بجد بجد بتذاكر؟ يعني انت راجل آآ يعني يعني مش تروح تجيب المذكرة قبل الامتحان بيومين من المكتبة بتاعة اه يعني انت بجد بتذاكر؟ والله كوييس جدا لو انت بجد راجل مشروع عالم في مجال من مجالات - 00:32:49

العلوم الدنيوية الله يعينك يا ابني. يعني ربنا يجعلك في الدين وفي الدنيا رفع الراس الاسلام في الارض. ورفع الراس للمسلمين في الارض بس آآ طب انت ما بتشتغلش ليه؟ اصل انا بذاكر - 00:33:09

طب آآ يعني امال بتقعد على السوشيال ميديا تلات ساعات في اليوم ليه؟ امال قاعد تهق مع كل اصحابك ليه؟ امال رايح جاي بتخلص محاضراتك الساعة اتنين الظهر - 00:33:21

وتروح بيتك الساعة تسعه بالليل ليه امال آآ انت يا ابني يعني يعني سيطر على حياتك شوية يعني في حاجات كتير في حياتنا هي بايطة لان احنا سايبينها بايطة. احنا مش متخيلين ان احنا نقدر نغير حياتنا. انت تقدر تبقى بطل. فكر برء الصندوق شوية - 00:33:31

فكري يعني سمعت كلمة لراجل اعمال آآ رجل اعمال كبير عالمي يعني مصرى كنت بتفرج له على بودكاست كده فانا بيشد دايما تفكير الناجحين يعني انا دايما احب الناجحين او - 00:33:48

احب الناجحين. احبا اقرب من الناجحين. احب اشوف الناس اللي نجحت في حياتها. ما اناش معترف بالفشل يعني يعني لما انت بتيجي تقول لي آآ انا ضايع يا شيخ انت بتخسرني في لحظة - 00:34:03

لان انت بيقى انت دماغك دماغ واحد ضايع يعني. يعني دماغك فيها كنت امبارح باقرأ قول الله سبحانه وتعالى يضاعف لهم العذاب ما كانوا يستطيعون السبعة وما كانوا يبصرون. آآ يضاعف لهم العذاب. انا حسيت شوية بمعنى يا جماعة انا باقرأها غير ان يضاعف لهم العذاب يوم القيمة. ان الناس دي اللي في دماغها هو اللي خلاها - 00:34:15

الناس دي عاشت الدنيا شقى لانها استغنت عن ربنا ثبات مكلفة بكل حاجة في حياتها. فاللي في دماغك دا ممكن بيقى هو سبب شلل. ممكن بيقى هو سبب فشك انت اكتر حاجة تحتاج تغيرها في حياتك. مش زروفك - 00:34:38

اکتر حاجة محتاج تغيرها في حياتك اللي في دماغك. هو اللي جايتك ورا. هو اللي معيشك في شقى. هو اللي معيشك في بهدلة. هو اللي ممكن يضيعك دنيا وآخرة ما تسقش في مواهبك في مفاهيمك زيادة عن اللزوم - 00:34:58

يعني يعني بصوا انا كنت قاعد من يومين كده على يعني في على ترابيزة كده مع ناس فبيتكلموا في مشروع ديني يعملوه مع بعض واحد بيقول للثاني بيقول له المفروض ان احنا نجيب متخصصين فقام الثاني قام قايل له ايه ؟ قال له لا لا ده انا فاهم انا بعمل ايه اول ما قال الكلمة دي اقسم بالله انا كان عقرب لدغني قمت - 00:35:11

قايم ومسيب المكان وماشي. كل الناس اتصلت بي تاني يوم هو انت ماشي زعلان زعلان مين يا ابني ؟ كفاية بقى حرق بنزين في الفاضي انا لسة هاقعد مع ناس مخها استغفر الله العظيم عايشة في كوكب المریخ - 00:35:31

واحد بيقول لك يا ابني انت معك متخصصين ولا انت درست مشروعك الدينى ده دراسة احترافية ولا لأ ؟ والثاني يقول له انت انا لسة اقعد مع واحد بيعبد دماغه - 00:35:44

فاكر ان دماغه اخر الكون ؟ انا اول ما بلاقي اللي قدامي دماغه ناشفة بلغيه من حياتي لان ده انسان فاشل. واللي هيجي ينchezه هيفشل جنبه لازم تميل الاول يا ابني لازم يعني ايه تفهم ان دماغك دي دخل حاجات كثير فيها من الاعلام و حاجات من آآاصحابك و حاجات من اسرتك و حاجات من المجتمع مش - 00:35:54

كله صاحبني والله. انت عندك تصورات كثير عن نفسك هتوديك في داهية. لو ما غيرتهاش. وعندك تصورات كثير عن البلد هتوديك في داهية لو ما غيرتهاش وعندك تصورات كثير عن النجاح والفشل هتوديك في داهية. لو ما غيرتهاش - 00:36:15

انت ماشي عارف استلقونه بالستنكم. عارف لما يكون خمسة بينطقوها كورة وقادعين يتلقواها برجليهم ده يديها لده يقوم ده ياخدها برجليه. حاططها على كتفه يقوم باصها للثاني يقوم الثاني واخدتها على صدره - 00:36:30

ومباصيها بكتفه ده تلقونه بايه ؟ بيتلقوا الكورة براسمهم وصدرهم ورجلهم. اه تلقوناه بين سيدكم ربنا بيوصف لحظة. المجتمع كان فيها لغى دماغه بياخد الكلام على لسانه ويقوم حده من لسانه على دماغ واحد مش على دماغ واحد تاني. حده على ايه ؟ على لسان اليوم الثاني ياخده بلسانه وبيقى مفهوم مجتمعي - 00:36:44

منتشر وهو كلام غبي اصلا في قمة الغباء وقمة ايامنا ما تضيعش حياتك نص المفاهيم اللي انت آآبتعلمها ما هياش صح. راجع نفسك تاني وابداً شف النجاح ده فين ؟ فعجبني الكلمة في البوذكاست ده بتاع راجل - 00:37:05

الاعمال ده! هو راجل اعمال يعني شغال في العالم كله يعني! حد تقيل جدا يعني فبيقول انا وقت وانا صغير بيtalk عن شبابه فبيقول وانا صغير اصل النجاح ملة واحدة. خدوا بالكم - 00:37:21

يعني نفس القواعد بيل جيتس نجح بها في اقامة مايكروسوفت في العالم هي نفس القواعد. اللي الطالب اللي بيطلع الاول على كليته نجح بسببها هي نفس القواعد دكتور احمد زويل الله يرحمه عمل آآ الكاميرا بتاعة الفيمتو سكند بها هي نفس القواعد - 00:37:33

اللي الدعاة الناجحين اللي غيرروا الواقع دعاة الاسلام غيرروا الواقع بها. يا ابني النجاح ملة واحدة النجاح قواعد واحدة هياخدتها الكافر هينجح. هياخدتها المسلم هينجح. الدليل فين في القرآن وقدر فيها اقواتها في اربعة ايام ها سوء للسائلين. اي سوء على السوء لكل من سأل الثمار - 00:37:56

كل كل اللي عايز اه سوء سن النجاح واحدة. مين اللي ياخد بها بقى فلما انت تعيش حياتك يعني الحاجات اللي سبحان الله عجبتني في الحوار بتاع الرجل ده بيقولوا له انت نجحت ليه ؟ قال لهم على فكرة يا جماعة يعني ستين في المية هو طبعا هو مش - 00:38:19

هو مش مسلم يعني بيقول لهم ستين في المية من النجاح حز. ما حدش يقدر يوضح عليكم ويقول لكم اصل انا خططت يقول لهم التخطيط عقري والكلام ده كله اربعين في المية. فافتكرت قول الله وقل رب ادخلني مدخل صدق - 00:38:34

واخرجني مخرج صدق. يعني يا رب آآآ دخلني بلد الدعوة فيها حلوة دخلني مكان فيه رجاله يشيلوا الدين. واخرجني خرجنى من

مكة على خير يا رب خرجني من البلد اللي مش عايزه تشيل دين دي على خير من غير ما ايه! أيازوني انا وصاحبتي. بس في الآخر
واجعل لي من لدنك - 00:38:49

سلطان الناصرة المفسرين اللي نقلوا كلام جميل اوبي يا جماعة كلام جميل اللي يقرأ كلام المفسرين وهو بهدوء كده. احنا داخلين على
رمضان عايزةكم تقرروا بهدوء انا عايزة رمضان ده يبقى نقلة في حياتكم - 00:39:08

عايزك تفهم قرآن مش عايزة مسابقة عد البنكيونوت بتاع الحرف بعشر حسنات هو فيه خلاف بين العلماء اصلا يعني العشر حسنات ده
قول النبي قول ابن مسعود وهو كلام مزيوط. بس يا ابني انا عايزة تفهم - 00:39:20
عايزك تقرأ النهاردة جيت المسجد بدري صليت الضهر في المسجد هنا آآ تحت وقعدت آآ بعد الصلاة قعدت آآ اقرأ كده فقلت انا هقرأ
صفحة واحدة بس في الاية في الركعة - 00:39:35

في صفحة عجبتني قوي وشدتني قوي. قمت جاي الركعة اللي بعدها قلت ايه؟ هاعيد نفس الصفحة في الركعة اللي بعدها. آآ
الصفحة الركعة اللي بعدها. يا ابني ما فيش حد بيجرني وراك والله - 00:39:46

والله العظيم لو ما ختمت المصحف في رمضان ما هيحصل مصيبة ولا حاجة. ايه! يعني اقعد انتخ! يا ابني مش باقول لك انتخ! انت
كنت هتقرا القرآن قد ايه ساعتين انا عايزة الساعتين دول تقرأ فيهم ربعين - 00:39:56
يا عم انت كنت هقرأ تمان ساعات انا عايزة التمان ساعات دول تقرأ في الجزء. ازاي؟ اقرأه يا عم تمن مرات عادي الموضوع بسيط
والله يا جماعة وكله عارفين انتم في مسابقات كده ما بين الاخوات. ابنك وصل للجزء الكامن؟ ابنى بقى في الجزء التامن. ابنى بقى
في المفصل ابني - 00:40:13

بقي فلوس وتقوم الام مروحة بقى لابنها يا عيني لسة ما وصلش غير التسعة وعشرين والتلاتين. تقوم ماسكة الولا معلقاه.
فضحتني قدام الناس كل ولاد صاحباتي حافظين وانت يا بنتي هو مش مسابقة - 00:40:32
يا بنتي انت هو فاهم حاجة هو اللي بيحفزها؟ طب حفزيه ماشي بس الموضوع مش كده يا جماعة. احنا يعني للأسف ما
عدناش واحدين بالنها ان المقصد الاساسي من القراءة هو الفهم - 00:40:48

الذين اتبناهم الكتاب يتلونه حق تلاوة اوئلک يؤمنون به. عشان كده في اخر دواء في الروشتة دي ونزل من القرآن ما هو شفاء. انت
معبي مشاكل انت مليان المفاهيم الغلط اللي باكلمها لك دي حلها ايه؟ القرآن هو اللي هيروقك من المفاهيم الغلط دي - 00:41:01
القرآن هو اللي هيضض لك الصندوق الاسود اللي جواك القرآن هيعالجك فعلا انا مش باكلمك كلام ما كنت في ندوة طب القصر العيني
والطلبة والطالبات قاعد اكلمهم بقى عن عن عطاء الله فكلهم - 00:41:20

العيال كلها تنتحر يعني نصهم بيفكر في الانتحار ونصهم بييفكر في جيل بائس استغفر الله العظيم فقادعين بيعتنوا لي بقى بجد
سعيد؟ انت ولا انت بت المسل علينا؟ انت آآ انت جبت الكلام ده منين؟ انت قلت له يا ابني انا يعني بصوا يا جماعة يعني -
00:41:36

اجمل حاجة في الدين انك انت تبقى بتقول الكلام اللي انت عشتة انا ما باقول لك القرآن هيغير حياتك. انا القرآن غير كل حاجة في
حياتي. انا ما فيش حاجة جميلة في حياتي الا بسبب القرآن - 00:41:56
ما فيش مفهوم جميل في حياتي الا بسبب القرآن. ما فيش قوة ربنا اداها لي في حاجة في حياتي الا بسبب القرآن. يا ابني القرآن ده
بعض. زي ما ربنا قال في الروشتة دي - 00:42:08

ومن الليل فتهجد به نافلة لك. عسى ان يبعثك ربك. ضعف عارف يعني ايه بعس؟ القرآن ده هيملی صدرك ببواus ودواجه هتخليك
بطل الدنيا كلها تنهار وانت واقف على رجليك. عسى ان يبعثك ربك مقاما. هتبقى من اصحاب القومات في الحياة - 00:42:18
مش بس مقام الشفاعة للنبي عليه الصلاة والسلام. مفسرين قالوا يعني فيه مفسرين قالوا ان الاية لا تشمل فقط مقام الشفاعة للنبي
يوم القيمة. الانسان المرتبط بالقرآن قيام الليل فتهجد به نافلة لك ده. عسى ان يبعثك ربك مقاما. هتبقى من اصحاب القومات في
الحياة. هتبقى انسان قوي. انت ليه عايش ضعيف - 00:42:40

ليه راضي انك تبقى انسان عادي؟ ليه الراضي انك تبقى نسخة مكررة زيك زي غيرك؟ شاب زيك زي غيرك. دخل الكلية زيه زي غيره.

بيترنق ايام الامتحانات وعايز ينجح زيه زي غيره. هيخرج ويدور على شغل زيه زي - 00:43:01

قعد كده يدور على واحدة يتgorها زيه زي غيره. يا ابني ما يمكن انت تبقى نسخة جديدة احنا يعني يعني استغفر الله التخلف اللي احنا عايشين فيه ده سببه ايه؟ مين السبب - 00:43:13

وازا المؤؤدة سئلت هو اللي وئد قيمة الحياة عندك مين ؟ اللي وعد قيمة انك تعمل انجاز كبير في مين اللي حسسك انك ما لكش قيمة مين اللي حسسك انك انسان عادي؟ زيك زي غيرك. انت مش عادي - 00:43:27

خذ العفو. يعني كل واحد من صحبتك يا محمد عنده زيادة ونماء في موهبة كل واحد ووزفه فيها. انت شفت نفسك؟ انت عرفت ايه قوتك؟ ولا انت عبد للعرف؟ عبد لنظرة المجتمع لازم ادخل كلية. لازم اخرج من الكلية، لازم اخطب. لازم اشتغل - 00:43:43

لازم اعمل ايوة يا حبيبي ماشي. لازم اشتغل في شغالانة من الحاجات الموجودة في الحياة. لازم ادور على عقد عمل زي ما الناس بتدور. لازم اعمل حبيبي بص لنفسك ما تبصش للمجتمع - 00:44:03

انت ما انتاش عايز في مجتمع حلو لدرجة انك انت تتأسر به في حاجة اصلا يعني ايه النجاح اللي خاطفك في المجتمع من الحاجات اللي عملوها عندنا انهم موتوا التاريخ بتاعنا - 00:44:13

احنا التاريخ بتاعنا ده كنت بشرح باسجل في سلسلة رمضان من يومين. آآ سلسلة اسماء الله الحسنی باسجل في اسم الله النصیر. فباقول ان اخطر اسم من تسعة وتسعين اسم. اسماء الله الحسنی. اللي ربنا تجلی على الامة به الف وربعمية سنة. هو اسم الله النصیر. احنا مش مهزومين - 00:44:24

احنا داييسين على رقبتهم بجزمنا احنا سحقناهم هم اللي بيعملوه معنا ده من السحق اللي تسحقوه الف وربعمية سنة. احنا ده نبينا الله تجلی عليه باسمه النصیر مية مية وتلاتين مرة في تسع سنين. في حاكم انتصر في مية وتلاتين معركة في تسع سنين! في تاريخ البشرية - 00:44:43

ابو بكر الصديق كان بيقاتل في مية وخمسة جبهة وانتصر في المية وخمسة جابها. في حاكم جيشه اتوزع في مية وخمسة جبهة. وانتصر في المية وخمسة جبهة الخلفاء الراشدين في فتح فارس والروم سحقوهم. سحقوهم في خمستاشر سنة - 00:45:07

فيه امبراطوريتين في العالم يختلفوا من الوجود في خمستاشر سنة في الاف المعارك يا اخوانا احنا ده احنا انتصرنا انتصارات! والله العظيم ده احنا تاريخ الانتصارات بتاعتنا وفي الاخر يقول لك تعال اما ندرس نابليون، نابليون مين يا تافه - 00:45:25

نابليون ده كان بيقول على خالد ابن الوليد قدوتي في الحياة احنا عندنا قادة عسكريين ما حصلوش في تاريخ البشرية. يا ابني احنا انتصرنا على الصين. احنا دفعنا الصين الجزية في وقت من الاوقات - 00:45:39

الصين اللي امريكا مرعوبة منها دي يا ابني الدولة العثمانية اوروبا كلها دفعت لها الجزية. عشان كده قاعدين يشوهوا فيهم اوروبا كلها دفعت لها الجزية انت انت عارف تاريخ المخول لما اسلموا موسكو دفعت لهم الجزية - 00:45:52

احنا معلمين على العالم كله. احنا لا احنا قليلين ولا احنا جينا بس انا وانت في زمن النكسة جينا في الفترة السودا اللي كان لازم ان ان الامة تفوق فيها بقى. تفوق فيها وترجع تاني لدينها عشان ربنا ينصرها تاني. انما احنا مش مهزومين فانت دلوقتي مش حاسس بقيمتك. لانك انت اللي انت - 00:46:09

تاريخك ولا انت انت بتسارك جدودك. عارف اما اجي اقول لك آآ آآ تعال يا ابني آآ آآ عارفين آآ فيلم آآ الاسد الملك ايوة انت هتترسم سيمبا يا سيدى - 00:46:31

عارضين لما هرب لما عمه عمه اسمه اسكنار. اهرب يا سيمبا. واهرب يا سيمبا ما يرخش مش عارف خنزير راح اشوي مع شوية ايه؟ لا انا ما اعرفش ما ده. لكن الموضوع ده بيترنق عليه من عشرين سنة ولا حاجة مش فاكر بس انا - 00:46:52

اللحزة اللي اسرت فيها جدا في الفيلم. لما بيقولوا انت اسد يقول لهم لا انا مش اسد ها قبل ما يرجع انت يا ابني انت اسد انا مش

اسد اسد مين يا عم ده انا حته آآ حاجة نصاية كده حاول انت اسد - [00:47:12](#)

انت قوي والله العزيم يعني والدك ووالدتك هم اللي حسوك انك انت حد عادي؟ ما تقدرش تعمل حاجة ولا المجتمع ولا التعليم ولا
الاعلام ولا ان ما حدش درس لك تاريخك بحق وحقيقي. فما حدش عرفك مين جدودك - [00:47:25](#)

وما حدش عرفك انت جدودك دول بانوا اعزم حضارة في الكرة الارضية ازاي ؟ وانتصروا اعزم انتصارات عسكرية زي يا ابن الاسلام
مدرسة محمد ما تخرجش انصاص ما فيش حد بيخرج من هارفارد نص آآ اي كلام. ما فيش حد بيخرج من السوريون اي كلام. ما
فيش حد بيخرج من مدرسة القرآن اي كلام - [00:47:39](#)

ما فيش حد بيخرج من المدرسة قيام الليل اي كلام. ومن الليل فتعجب به عسى ان يبعثك ربك مقاما. محمودا. الدنيا كلها تبقى
واقفة مبهورة. ايه القومة الرهيبة اللي انت عاملها دي - [00:48:01](#)

ايه ايه اللي ايه البعض اللي انت عملته في الواقع ده خريجي مدرسة القرآن وخربيجي مدرسة محمد ابطال. بس احنا نتربي صح مش
عايزين ندخل في مسابقة الختمات في رمضان. ولا عايزين نأنتخ. مش بقول لك كده بقول لك انتخ. لأننا بقول لك في رمضان عيش
بقي مع الجزء - [00:48:15](#)

تيجي بقى تصلي الفجر في المسجد وتقعد بقى في جلسة الضحى تقرأ الجزء اللي هيتقابل النهاردة في التراويف. او اللي نصه هيتفقري
مش مشكلة يعني القصة آآ بعد الظهر بتسمع شرح الجزء بقى - [00:48:34](#)

آآ غالبا بشمهندس سعد برضو هي عمل لكم بعد العصر في رمضان حاجة. بازن الله سبحانه وتعالى دورة في صورة او حاجة. حاولوا
يعني حاولوا انكم ترتبطوا بالقرآن ارتباط عميق يا جماعة. احنا - [00:48:45](#)

وطبطب القرآن من وانا طالب في الكلية انا القرآن غير لي حياتي. غير كل حاجة في حياتي. كل حاجة في تصوري اتغيرت. ليه
يعني فاكر نفسك مين يا ابني - [00:48:55](#)

هو انا بقول لك انا جاي من هارفارد ايوة بركة بقى لي عشرين سنة مع القرآن. او خمسة وعشرين سنة مع القرآن فاتبعوا اتعب مع
القرآن ربنا يريحك في كل حاجة بعد كده - [00:49:06](#)

نرجع تاني لراجل الاعمال الكلمة اللي كان بيقولها وفكern النجاح انا باحب افسح اللي قدامي ما لاني باتعامل معكم ولادي فانا فانا عايز
افهمك حاجات كثير عايز افهمك حاجات كثير. فيبيقول فيبيحكي عن شبابه يعني وقصة نجاحه - [00:49:17](#)

فيبيقول زمان ما كانش فيه لأ ما حدش خلاص يا جماعة ما فيش حد فيبيقول ما كانش فيه حاجة اللي بينجح ده لازم واحد عنده
خمسين سنة ستين سنة يعني ايه شاب طالع عايز يعمل حاجات كبيرة ومشاريع كبيرة فيبيقول لك انا لازم اشارك فهو بيتكلم عن
بيقول قال كلمة بيقول الوقتي تلاقي واحد عنده عشرين سنة - [00:49:36](#)

وبيتاجر في مليارات الافق بيختلف. هو الفرق مش مستوى العقلية الافق. انا عايز اقول لك انت تقدر تبقى حاجة
كبيرة قوي في الدين عايز اقول لك انت تقدر تبقى حاجة كبيرة او في الدعوة - [00:49:58](#)

ما تستاهلش بنفسك وانا طالب في الكلية وانا في سنة تانية او تالتة وكان عندي شعرتين طالعين من هنا وشعرية طالعة من الناحية
الثانوية من هنا وشعرتين طالعين مننا طوال كده وكان شكل دقن يدخل يعني وانا كنت ابيض على فكرة يا جماعة وكتبت بيبي فيس
خالص يعني - [00:50:14](#)

ها كنت شاب مرفه جدا والدنيا فهو انا واقف بقى مع مع الملتزمين بقى اللي في الكلية بقى الوحوش بقى اللي اكبر مني بقى بتوع
سنة خامسة في الكلية وستة والكلام ده. بقول - [00:50:32](#)

انا نفسي اخطب جمعة كلهم بصوا في الارض وكتمو الضحك. عشان ما يحرجوني تحط جمعة مين يا ابني انت تعرف تعمل
حاجة اصلا في حياتك؟ فضل منة الله سبحانه وتعالى بقى الواحد مشكلتك الوقتي ان الواحد مش لاقى وقت من كتر الاستعمال
فاطلب منك - [00:50:42](#)

ما تستقلش نفسك. انت غالى عند ربنا. انت مليان طاقات. انت اللي هتوعد نفسك او هتفجر الطاقات اللي جوة نفسك بازن الله

سبحانه وتعالى فالروشتة دي مش بس روشتة الفرج - 00:50:59

ده روشتة الفرج لlama كلها ده روشتة المجد. ده روشتة انك تبقى بنى ادم اولها اقم الصلاة لدلووك الشمس الى غسق الليل يبقى الفروض الخمسة. طب ربنا ربط الفروض الخمسة من الزواهر الطبيعية ليه - 00:51:14

ليه تفكير في الكون يا ابني التفكير في الكون ده قمة الاتزان النفسي اللي انت هتعيش فيه قمة الاتزان النفسي والارتباط بالكون او عى تفتقرك ان الكلام ده بيعطل حد من اخوانى الدعاة المشهورين جدا في مصر - 00:51:28

كان زمان نروح مع بعض تفكير في الخلق وآآآ يعني ايه وننقدر بقى ايه نسمع ايات الله قرآنية يعني نشغل اي صوت قرآن يعني واحدنا يعنينا قاعدين نتفرج على ايات الله الكونية وبودننا بنسمع ايات الله قرآنية يعني كانت ايات ايات جميلة فهو جا له فترة اتشغل شوية عن الكلام ده - 00:51:45

فرأى رؤيا ان هو كان راكب عربية طاير بها زي الصاروخ. وبعد كده حصل حاجة في اماكن العربية على جنب. فطبعاً دى رؤية توجيهية. يعني معناها ايه؟ معناها او عى تفتقرك ان جلسات العبادة وجلسات التفكير في الخلق والتهجير لصلاة الظهر والتدبر في القرآن او عى تفتقرك ان الكلام ده - 00:52:05

آآ بيضيع وقت. يا ابني انت بتتحول للانسان زو شأن في هذه الحياة والا خلاص يعني اللي بيستعجل في العبادة ما بيأخذش السمرة الحقيقية بتاعتتها. العبادات فيها سمرات كبيرة او اي. قراية القرآن آآ الصلاة سجدة الفرائض - 00:52:25

التفكير في الخلق فيها سمرات كتير قوي في تغيير شخصيتك وتغيير اهدافك وتغيير عزيمتك وعلاج نفسیتك وتصحيح مفاهيمك تفكيك الصندوق الاسود اللي جواك وتركيبه تاني صح العبادة والقرآن يا جماعة لهم تأسير جبار فيك. وفي مستقبلك بس اللي بيأخذها صح. مش اللي ايه؟ قاعد يعد ورق بانكلوت - 00:52:42

خلصت خاتمة اتنين ثلاثة. ومن الليل فتهجد به نافلة لك. عسى ان يبعثك ربك مقاماً مموداً. اقيم الليل يا شباب ما تستخسروش الليل في ربنا ما تعتقدش انك انت بتضيع وقتك الا اما بتقوم الليل - 00:53:06

ما تعتقدش ان قيام الليل ده انا كان في الليل ده كان زمامي عملت يا ابني والله العظيم. والله يا ابني الكلام ده ما يصحش كنت بتتكلم مع زوجتي من ايام باقول لها تخيلي كده انا بقى لي تلاتين سنة ملتزم فضل ومنة الله - 00:53:22

تخيلي لو انا بقى لي تلاتين سنة محافظ على ان الليل ده كان يبقى لربنا بس. كان زمامي فين الوقت كان زمامي فين مع القرآن؟ كان زمامي فين في الايمان - 00:53:35

كان زمامي فين في كل حاجة في حياتي طولية مش قصيرة لو انت عشت حياة طولية مش قصيرة ما تستعجلش انت ممكن من الفجر للظهر تخلص كل حاجة في حياتك اصلاً. ما ربنا قال للنبي كده ان لك في النار سبحا طويلاً. رتب حياتك صح. ما تستخسرش الليل - 00:53:46

في العبادة والقرآن وبالذات احنا داخلين على رمضان خلاص يا جماعة. رمضان عليه كام يوم خلاص بقى زي هو النهاردة الاثنين؟ اه. يا راجل يعني مش زي النهاردة ده زي امبارح يا باشا. ده كده هتبقي تراويف الحمد مش كده؟ حسبنا الله ونعم الوكيل. ادعى عليكم بايه يا اخي؟ فانت - 00:54:05

ابداً بقى رتب حياتك صح فرصة جميلة. طب انا عايز ازاكري يا ابني اقسم بالله قيام الليل هيرتب لك كل حاجة في حياتك وهيرتب لك مذاكري وهيزود عزيمتك وهيزود بركة وقتك. ان لك في النهار سبحا طويلاً. اشتري عمرك من بدري. ورتب حياتك من بدري - 00:54:27

عسى ان يبعثك ربك مقاماً مموداً. تبقى بعض يا ابني وربنا بيعس فيك معاني هتخليك من اهل العزم في الحياة. وهيبيقى لك قومات كل الدنيا هتبقي مبهورة بك فيها وقل رب ادخلني. اه وقل رب باقي الدعاء. بقى بعد روشتة الفروض الخمسة والتفكير في خلق الله وقيام الليل. الحاجة اللي بعد كده وقل رب - 00:54:45

ادخلني واخرج لي الدعاء. ما تعيش حياتك من غير دعاء. انا عايزك النهاردة تجيب دعائين ثلاثة اربعة خمسة انت بقى يعني ايه بس

ما تزودش عن خمس دقائق. ويبقوا ورد عندك دول لازمة في سجود الفرائض ليل نهار تدعوا فيهم. فاي نافلة بتدعى بها - 00:55:09

انت ماشي في الشارع ايه ده يا بيه! اختار لك اختار لك خمس ادعية. اللهم اكفي بحالك عن حرامك واغني بفضلك عن سواك.

دعا بالرزق دعاء الرزق ودعاء بالجواز الحال - 00:55:24

ودعاء بان ربنا يملئ حياتك حلال ودعاء ان ربنا يغفينا. جميلة اوي. اللهم اني اسألك الهدى والتقوى والغفار والغنى. حاجة عزيمة انت عارف انت بتطلب ايه ربنا اتنا في الدنيا اتنا في الدنيا. يا رب انا عايز في الدنيا. حسنة يقضيني احسن حياة. وفي الآخرة حسنة وقنا

عذاب النار - 00:55:37

الله اني اسألك الهدى والسداد. يا رب خليني زي السهم المنطلق. حطني على الطريق السليم وخليني زي السهم المنطلق يا رب خلي
حياتي كلها انجازات فادع ربنا وقل رب ادخلني مدخل صدق. واخرجنني مخرج صدق من معاني الجميلة قوي - 00:55:58

ادخلني يعني هي فيها معاني كتير بس انا اقول لكم معنى واحد فيها بس عشان يعني احنا كده خلاصنا يعني. آآآ ادخلني في عبادات
كتير انت مش قادر تدخل فيها - 00:56:15

انت نفسك تقوم الليل ومش قادر. نفسك تطلب علم ومش قادر. نفسك تحفظ قرآن ومش قادر. ادخلني مدخل صدق يا رب دخلني في
الطاعات اللي مش قادر ادخل فيها. نفسي يا رب استعمل في الدعوة. نفسي نفسي في حاجة واخرجنني مخرج صدق. كتير منكم
عندكم معاصي سر مش قادرین يخلصوا - 00:56:27

منكم ناس واقعين في العادة السرية ومش عارفين يخلصوا منها منكم ناس واقعين في زنوب ومعاصي ومش قادرین يخلصوا منها.
واخرجنني مخرج صدق. خرجني من الغرزات اللي انا غارز فيها دي يا رب - 00:56:44

خرجني من الابتلاءات والمصائب اللي مالية حياتي. خرجني من المشاكل اللي مالية ديني وديني واجعل لي من لدنك سلطانا ناصرا
يعني ايه؟ يعني يا رب انا مهما اشتغلت ومهما خططت ومهما فكرت ومهما خدت بأسباب النجاح ومهما ارتبطت ببقية الايمان -
00:56:59

مهما طردت صحبة الهاء وجبت صحبة الهمة. ومهما عملت احتكاكات عظيمة وقعدت ادور على الناس الناجحة. ومهما كترت من
الحياة في حياتي. انا يا رب اقصى حاجة اقدر ان انا اعملها في حياتي للنجاح اربعين في المية. ها - 00:57:15

اقل من كده كمان يا رب يا رب عارفين لما كان بيقول تسعه وتسعين في المية من اوراق القضية في ايد امريكا؟ تسعه وتسعين في
المية من اوراق القضية في الاسباب السماوية مش في الاسباب الارضية - 00:57:35

اجعل لي من لدنك سلطانا نصيرا. يعني هاتها من عندك جمالي يا رب. بارك لي في مستقبلي من عندك. رتبها من عندك. سهلها من عندك
ارها من عندك. صلحها من عندك. حلها من عندك. انا حياتي مش حلوة يا رب - 00:57:45

انا مش سعيد لان انا عندي مشاكل كتير في حياتي مادية ونفسية ودراسية واعباء ومشاكل وتساؤلات انا يا رب مش
سعيد. حلها من عندك يا رب يا ابني - 00:58:01

ارم نفسك ربنا عنده كتير يا جماعة والله ربنا عنده كتير. عنده كتير اوي احنا شفنا في الطريق ده حاجات كتير جميلة اوي شفنا في
الطريق ده عطاءات كتير جميلة اوي والله العظيم انتغفنا - 00:58:11

شيء اصلا ربنا جوزنا وربنا ادانا كل حاجة واستعملنا في الدعوة وافتتح لنا ابواب العبادات ربنا ياما ادانا وياما نجانا. الطريق ده
جميل قوي يا جماعة. اوي اوي اوي - 00:58:27

ما فيش اي طريق في الدنيا له اي علاقة بطريق ربنا انك تخلص لربنا. وانك تسعى في طريق ربنا سبحانه وتعالى. واجعل لي من لدنك
سلطانا نصيرا وقل جاء الحق وذهب الباطل. ان الباطل كان زهوقا. ونزل من القرآن ما هو - 00:58:41

شفاء. بدل ما اقول لك خد الشفاء ده. يبقى معناها انت ايه؟ انت مريض. اعترف يا ابني انك مريض. انت عندك مفاهيم غلط وعندك
صعبات غلط. وعندك مشاعر غلط. وعندك شبكات وعندك شهوات - 00:58:57

انت معبي انت عايز يعني ايه عايز حاجة كده تنضفك من جوة. سلم نفسك للقرآن احنا بفضل ومنة الله الولي خلاص اهو لسه على

رمضان اسبوع ورمضان انت شهر واسبوع يا بختك عند ربنا - 00:59:07
انا عايزك بقى تخلص للقرآن في الوقت ده. انا عايزك تتعلم قيام الليل اصبر. اصبر الذين صبروا وعلى ربهم يتوكلون اصبر. اصبر على شهر واسبوع صعبين وتقابل وهتبعد عن اصحابك اللذاذ العزاز شوية. وهتبعد عن الفسح والهق شوية - 00:59:22
اصبر شوية بقى. استرجل الشهر اللي جاي ده استرجل لحد ما العشرة الاواخر يخلصوا. وبعد كده اقف وعید حساباتك تاني مع نفسك. وشف القرآن هي عمل فيك ايه. بس ادخل المستشفى اللي احنا قلناها دي روشتة الفرج دي - 00:59:42
ادخلها في الشهر والاسبوع اللي جايين. ربنا يوفقكم ويصدقكم. وآآويبارك في الباشمهندس سعد على الدورة الجميلة اللي هو عملها.
وسعيد ان انا شفتكم يا جماعة والله يا جماعة فعلا والله والله انا لو عرض علي مليون دولار مقابل هزا الدرس - 00:59:57
والله ولا مليون دولار ولا ملايين الدنيا كلها تقابل الوجوه المشرقة دي. والشباب اللي زي الورد ده ربنا يبارك فيكم ومستقبلكم.
سبحانك الله وبحمدك اشهد ان لا الله الا انت - 01:00:14